


## Čállinrámmat

Mo addit ohppiide čállinrámmaid go galget čállit teavsttaid? Addit čállinrámmaid ohppiide mearkkaša doarjut ohppiid dainna lágiin ahte sii ožžot jurdagiid johtui, ja dihtet man birra áigot čállit ja mo áigot hábmet teavstta. Leat iešguđetge lágan vuogit mo addit čállinrámmaid. Okta ovdamearka lea hupmat ohppiiguin teakstahuksema birra, ja maiddái makkár dovdomearkkat teakstahámiin leat. Sáhttá maiddái juohkit ohppiide buriid teakstaovdamearkkaid maid sii besset lohkat, ja dainna lágiin oidnet oahppit ovdamearkkaid, ja besset jurddášit makkár hámat teavsttaid sáhttet hukset.

Čállinrámmat galget čalmmustahttit ohppiide čállinproseassa. Mii sáhttit čájehit ohppiide, čilget ja hupmat dan birra mo mii hukset teavstta. Ságastallamis ohppiiguin galggašii deattuhit hupmat teavstta ulbmila birra, manne mii galgat čállit teavstta. Ulbmil lea dehálaš oassi danne vái oahppit galget beassat jurddášit ovdal go čálligohtet. Manne sii galget čállit, geasa sii čállit ja masa teaksta galgá geavahuvvot, dainna lágiin sáhttet govahallat makkár sisdoallu ja hápmi teavsttas galgá leat. Čielga doarjastruktuvrrat dego teakstaovdamearkkai, ja ovdamearkkai álgocealkagiidda, goalloscealkkavuorká ja iešguđetge čállinrámmat sáhttet leat anolačcat, ja addet ohppiide čállinrámmaid.



## Hábmen

Ohppiid galgá oahpásmuhttit ollu iešguđetge lágan teavsttaide ja hámiide. Lea dehálaš čájehit ohppiide makkár dovdomearkkat iešguđetge teavsttain leat. Mii sáhttit čájehit ohppiide máŋggalágan teakstahámiid, nugo matematihkka

njuolggadusčilgehusteavsttaid, dahje jo luondufága- ja servodatfágateavsttaid dahje eará fágain, mat fuomášuhttet gáldogeavaheami. Go oahppit galget čállit teavsttaid, de lea dehálaš ahte sis lea jurdda ahte mo sáhttá teavstta hábmet.

Lea maiddái dehálaš go geahččá ovdamarkateavsttaid, ahte oahppit goitge dovdet friddjavuoda čállit iežaset teavsttaid, eai ge dárbaš čuovvut makkárge minstariid čuoggás čuoggái. Teakstaovdamearkkat galget čájehit ohppiide obbalaččat teavstta hámi, vai sii bessel jurddašit makkár hápmi teavsttas sáhttá leat, mo teavstta ja govaid sáhttá bidjat vai šaddá buorre ja čorges čálus.

Lea vuogas geavahit buriid ohppiidčállosiid ovdamearkan, go dain lea dat čállindássi maid oahppit galggašedje máhttit ja olahit. Sáhttá maiddái buorre reaidun geavahit teavsttaid maid oahpaheaddji lea čállán muhtin oahppoulbmiliid birra.

Go ságastallá ohppiiguin berre mearkkašahttit daid beliid mat gusket tekstii, nugo teavstta hámi, mo lea huksejuvvon, makkár hápmedássi teavsttas lea, ja maiddái fágadoahpagiid jna.

Hábmen mearkkaša čalmmustahttit ohppiide čállinproseassa. Oahpaheaddji sáhttá čájehit ohppiide mo son čállá. Hábmen lea dehálaš bargu mii addá ohppiide ipmárdusa dasa ahte čállin dáhpáhuvvá máŋgga dásis, diehtoviežžamis, dárkkisteapmái ja loahpahussii. Oahpaheaddji sáhttá ovdamarkka dihte čállit álggahusa ovttas ohppiiguin, dalle bessel oahppit addit ideaid ja leat mielde sihke čállimis ja dárkkisteamis. Dainna lágiin beassá máŋgii geahččat čállosa, ja heivehit dan ulbmili ja maiddái dasa masa galgá geavahuvvot. Hábmen mearkkaša čájehit makkár vuodđu dárbašuvvo ovdal teaksta lea gárvvis.

Čállinrámmat leat dehálaččat čállima oktavuođas. Ráhkadir cakkiid mat veahkehít ohppiid čállinproseassas, addet doarjaga ja ovdańeami ohppiide, dassázii go oahppit eai šat dárbaš daid. Lea dehálaš hupmat ohppiiguin ahte čállinrámmat leat dehálaš ja buorit neavvut maid sáhttá friddja geavahit, go galgá plánet ja struktureret teavstta.

Gáldot:

<http://www.udir.no/Utvikling/Ungdomstrinnet/Skriving/Ressurser-til-arbeidet-med-skriving/Skrivestrategier/Forskrivingsfase1/Forskrivingsfase/>

<http://www.skrivesenteret.no/>

<http://lezesenteret.uis.no/>